



Republika e Kosovës
Republika Kosova - Republic of Kosovo
Qeveria - Vlada - Government


Nr. 01/09
Datë: 26.04.2021

Në mbështetje të nenit 92 paragrafi 4 dhe të nenit 93 paragrafi 4 të Kushtetutës së Republikës së Kosovës, duke u bazuar në nenin 4 të Rregullores Nr. 02/2021 për Fushat e Përgjegjësisë Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 26 prill 2021, merr këtë:

V E N D I M

1. Aprovohen procesverbalet dhe transkriptet e mbledhjeve; 5 dhe 6 të Qeverisë së Republikës së Kosovës.
2. Vendimi hyn në fuqi ditën e publikimit në Gazetën Zyrtare të Republikës së Kosovës.

Albin KURTI


Kryeministër i Republikës së Kosovës

Iu dërgohet:

- Zëvendëskryeministrave
- Të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë



Republika e Kosovës
Republika Kosova - Republic of Kosovo
Qeveria - Vlada - Government

Nr. 02/09
Datë: 26.04.2021


Në mbështetje të nenit 92 paragrafi 4 dhe të nenit 93 paragrafi 4 të Kushtetutës së Republikës së Kosovës, të nenit 5 dhe 6 të Ligjit Nr. 06/L-059 për Kompleksin Memorial "Adem Jashari" në Prekaz, duke u bazuar në nenin 4 të Rregullores Nr. 02/2021 për Fushat e Përgjegjësisë Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 26 prill 2021, merr këtë:

V E N D I M

1. Themelohet Komiteti Ndërministror për koordinimin e procesit, për zgjedhjen e projektit dhe monitorimin e procesit të implementimit të projektit për Kompleksin Memorial "Adem Jashari" në Prekaz, në këtë përbërje:
 - 1.1. Sh. T. Albin Kurti, Kryeministri i Republikës së Kosovës;
 - 1.2. Z. Hajrulla Çeku, Ministër i Kulturës, Rinisë dhe Sportit;
 - 1.3. Z. Liburn Aliu, Ministër i Mjedisit, Planifikimit Hapësinor dhe Infrastrukturës;
 - 1.4. Znj. Rozeta Hajdari, Ministre e Industrisë, Ndërmarrësisë dhe Tregtisë;
 - 1.5. Z. Hekuran Murati, Ministër i Financave, Punës dhe Transfereve;
 - 1.6. Anëtar i Komitetit - Përfaqësues nga Familja Jashari;
 - 1.7. Anëtar i Komitetit - Drejtori i Agjencisë për Menaxhimin e Komplekseve Memoriale të Kosovës;
 - 1.8. Anëtar i Komitetit - Drejtori i Muzeut të Kosovës;
 - 1.9. Anëtar i Komitetit - Drejtori i Institutit të Historisë;
 - 1.10. Anëtar i Komitetit - Drejtori i Institutit Albanologjik;
 - 1.11. Anëtar i Komitetit - z. Bekim Jashari, Kryetar i Komunitetit të Skenderajt;
 - 1.12. Anëtar i Komitetit - Përfaqësues nga Shoqata e Arkitektëve; dhe
 - 1.13. Anëtar i Komitetit - z. Emin Lati, Përfaqësues nga OVL e UÇK-së.
2. Komiteti Ndërministror nga pika 1. e këtij vendimi Obligohet t'i kryejë detyrat e përcaktuara me Ligjin Nr. 06/L-059 për kompleksin memorial "Adem Jashari" në Prekaz dhe legjislacionin tjetër përkatës.
3. Shfuqizohet vendimi i Qeverisë Nr. 13/15 i datës 22 korrik 2020.

4. Vendimi hyn në fuqi ditën e publikimit në Gazetën Zyrtare të Republikës së Kosovës.

Albin KURTI



Kryeministër i Republikës së Kosovës

Iu dërgohet:

- Zëvendëskryeministrave
- Të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë



Republika e Kosovës
Republika Kosova - Republic of Kosovo
Qeveria - Vlada - Government

Nr. 03/09
Datë: 26.04.2021

Në mbështetje të nenit 92 paragrafi 4 dhe të nenit 93 paragrafi 4 të Kushtetutës së Republikës së Kosovës, duke u bazuar në nenin 4 të Rregullores Nr. 02/2021 për Fushat e Përgjegjësive Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 26 prill 2021, merr këtë:

V E N D I M

1. Anullohet vendimi i Qeverisë së Republikës së Kosovës Nr. 19/48 i datës 7 dhjetor 2020.
2. Obligohet Sekretari i Përgjithshëm i Zyrës së Kryeministrit që ta njoftoj Kuvendin e Republikës së Kosovës për nxjerrjen e këtij vendimi.
3. Vendimi hyn në fuqi ditën e publikimit në Gazetën Zyrtare të Republikës së Kosovës.

A r s y e t i m


Qeveria e Republikës së Kosovës me vendimin Nr. 19/48 të datës 7 dhjetor 2020 i ka propozuar Kuvendit të Republikës së Kosovës kandidatët për kryetar dhe anëtarë të Bordit të Autoritetit Rregullativ për Komunikimet Elektronike.

Tek përbërja e kryetarit dhe anëtarëve të propozuar në pikën 1. të vendimit të lartpërmendur, vërehet se nuk është respektuar kuota e nevojshme gjinore, e përcaktuar me Ligjin Nr. 05/L-020 për Barazi Gjinore. Në lidhje me këtë, neni 6 paragrafi 8 i ligjit të lartpërmendur, përcakton se: *...“Përfaqësimi i barabartë gjinor në të gjitha organet legjislative, ekzekutive dhe gjyqësore dhe institucionet e tjera publike arrihet kur sigurohet përfaqësim minimal prej pesëdhjetë për qind (50%) për secilën gjini, përfshirë edhe organet e tyre drejtuese dhe vendimmarrëse...”*.

Në rrjedhë të kësaj, përbërja e kryetarit dhe anëtarëve të propozuar nuk janë në harmoni me dispozitën ligjore të lartpërmendur, dhe rrjedhimisht është obligim i çdo institucioni kompetent që ta ketë përfaqësimin e barabartë gjinorë përkatësisht ta plotësojë kuotën e nevojshme gjinore për përfaqësim minimal prej pesëdhjetë për qind (50%) për secilën gjini, përfshirë edhe në organet e tyre drejtuese dhe vendimmarrëse.

Andaj, duke pas parasysh këtë, Qeveria e Republikës së Kosovës vendosi si në dispozitiv të këtij Vendimi.

Albin KURTI



Kryeministër i Republikës së Kosovës

Iu dërgohet:

- Zëvendëskryeministrave
- Të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë



Republika e Kosovës
Republika Kosova - Republic of Kosovo
Qeveria - Vlada - Government

Nr. 04/09
Datë: 26.04.2021

Në mbështetje të nenit 92 paragrafi 4 dhe të nenit 93 paragrafi 4 të Kushtetutës së Republikës së Kosovës, duke u bazuar në nenin 4 të Rregullores Nr. 02/2021 për Fushat e Përgjegjësisë Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 26 prill 2021, merr këtë:

V E N D I M
PËR ORGANIZIMIN DHE FUNKSIONIMIN E KËSHILLIT TË MINISTRAVE TË
REFORMËS SË ADMINISTRATËS PUBLIKE DHE STRUKTURAVE PËRGJEGJËSE PËR TË
KOORDINUAR, MONITORUAR DHE ZBATUAR DOKUMENTET STRATEGJIKE TË
REFORMËS SË ADMINISTRATËS PUBLIKE

Neni 1

Qëllimi

1. Qëllimi i këtij vendimi është:

- 1.1. Themelimi, funksionimi dhe përbërja e Këshillit të Ministrave për Reformën e Administratës Publike (në tekstin në vijim KMRAP), i cili do të jetë struktura kryesore përgjegjëse për sigurimin e zbatimit të dokumenteve strategjike të Reformës së Administratës Publike.
- 1.2. Themelimi dhe funksionimi institucional i strukturave përgjegjëse për të koordinuar, monitoruar dhe zbatuar dokumentet strategjike të Reformës së Administratës Publike si dhe strukturave përgjegjëse për zbatimin e tyre.

Neni 2

Përbërja e KMRAP

1. KMRAP ka këtë përbërje:

- 1.1. Ministri i Ministrisë së Punëve të Brendshme, kryesues;
- 1.2. Ministri i Ministrisë së Financave, Punës dhe Transfereve, anëtar;
- 1.3. Ministri i Ministrisë për Administrimin e Pushtetit Lokal, anëtar;
- 1.4. Ministrja e Ministrisë së Industrisë, Ndërmarrësisë dhe Tregtisë, anëtare;
- 1.5. Ministrja e Ministrisë së Drejtësisë, anëtare; dhe
- 1.6. Zyra e kryeministrit – këshilltar politik, anëtar.

2. KMRAP ushtron detyrat dhe përgjegjësitë si vijon:
 - 2.1. Drejton dhe mbikëqyr në nivel politik të gjitha çështjet që ndërlidhen me procesin e zbatimit të dokumenteve strategjike të RAP;
 - 2.2. Shqyrton raportet periodike të progresit mbi zbatimin e dokumenteve strategjike të RAP;
 - 2.3. Zgjidh çështjet që pengojnë dhe/apo vështirësojnë progresin e zbatimit të dokumenteve strategjike të RAP, në pajtim me politikat qeveritare;
 - 2.4. Propozon në Qeveri për plotësim-ndryshimin e dokumenteve strategjike të RAP;
 - 2.5. Vendos për adresimin e çështjeve në Qeveri që ndërlidhen me zbatimin e dokumenteve strategjike të RAP;
 - 2.6. Kontribuon dhe jep këshilla dhe udhëzime për Qeverinë dhe Kuvendin për procesin e racionalizimit të agjencive dhe vendosjen e linjave të llogaridhënies në Administratën Publike;
 - 2.7. Në nivelin politik, stimulon dhe monitoron përmbushjen e indikatorëve të kontratës për mbështetje buxhetore të sektorit.
3. Takimet e KMRAP ftohen nga Kryesuesi dhe mbahen kur gjykohet që ka çështje për t'u shqyrtuar, por jo më pak se një (1) herë në tre (3) muaj. Për mbajtjen e takimit të KMRAP të pranishëm duhet të jenë së paku katër (4) nga gjashtë (6) anëtarët me të drejtë vote. Në rast mungese të anëtarëve nga paragrafi 1.2 deri 1.6 i këtij neni në takimet e KMRAP marrin pjesë Zëvendësministrat përkatës.
4. Kryesuesi i KMRAP mund të ftojë në takime edhe Ministra apo përfaqësues të institucioneve dhe/apo organizatave tjera, nëse çështjet që pritet të shqyrtohen lidhur me zbatimin e dokumenteve strategjike të RAP ndërlidhen me fushë veprimtaritë e institucioneve që ata përfaqësojnë.
5. Në takimet e KMRAP marrin pjesë edhe Sekretari i Përgjithshëm i Zyrës së Kryeministrit, Sekretari i Përgjithshëm Ministrisë së Punëve të Brendshme, si dhe Sekretari i Përgjithshëm i Ministrisë së Financave, të tre në cilësinë e përgjegjësve nga fushat respektive. Po ashtu edhe Udhëheqësi i Departamentit për Reformën e Administratës Publike në cilësi të vëzhguesit. Këta mund të debatojnë për çështjet që ngriten për zbatimin e dokumenteve strategjike të RAP, por pa të drejtë vote.
6. Në pajtim me paragrafin 2. të këtij neni, propozimet e KMRAP miratohen me shumicë votash dhe përmbajnë udhëzime të qarta për zgjidhjen e arritur për çështjen e shqyrtuar dhe veprimet e mëtutjeshme që duhen ndërmarrë nga ministria apo institucioni përkatës për zbatimin e vendimit në kohën e caktuar.
7. Propozimet procedohen në Qeveri për aprovim, kur kërkohet një aprovim i tillë.

Neni 3

Strukturat përgjegjëse për zbatimin e dokumenteve planifikuese-strategjike

1. Strukturat përgjegjëse për zbatimin e aktiviteteve të dokumenteve planifikuese-strategjike janë institucionet vijuese:
 - 1.1. Zyra e Kryeministrit (ZKM), përgjegjëse për zhvillimin dhe koordinimin e politikave dhe legjislacionit (koordinator, Sekretari i Përgjithshëm i ZKM-së);
 - 1.2. Ministria e Punëve të Brendshme (MPB), përgjegjëse për shërbimin civil/publik dhe burimet njerëzore, ofrimin e shërbimeve publike dhe llogaridhënien (koordinator, Sekretari i Përgjithshëm i MPB-së); dhe

- 1.3. Ministria e Financave, Punës dhe Transfereve (MFPT), përgjegjëse, për menaxhimin e financave publike (koordinator, Sekretari i Përgjithshëm i MF-së);
2. Në pajtim me paragrafin 1. të këtij neni, Sekretarët e Përgjithshëm të institucioneve përgjegjëse përkatëse obligohen të ndërmarrin hapa të menjëhershëm për planifikimin, hartimin dhe zbatimin e aktiviteteve të dokumenteve planifikuese.
3. Në pajtim me paragrafin 1. të këtij neni dhe pas çdo takimi të punës, Kryesuesi i KMRAP informohet nga Departamenti për Reformën e Administratës Publike (DRAP) për konkluzionet dhe rekomandimet që dalin nga takimet.
4. Kryesuesit e GP-ve (koordinatorët) raportojnë në takimet e KMRAP mbi progresin dhe sfidat që evidentohen në takimet e Grupeve veç e veç.
5. Koordinatorët e përcaktuar me paragrafin 1. të këtij neni, veprojnë në pajtim me legjislacionin në fuqi si dhe sigurohen që zbatimi i aktiviteteve të realizohet me cilësi të lartë dhe në afatin e përcaktuar kohor në vet dokumentet planifikuese.
6. Detyrat dhe përgjegjësitë e Koordinatorëve (SP-ve) përgjegjës janë:
 - 6.1. Sigurimi i zbatimit të vendimeve të KMRAP me cilësi të lartë dhe me shpejtësi;
 - 6.2. Shqyrtimi i performancës dhe koordinimi i veprimeve për zbatimin e plotë dhe efektiv të aktiviteteve të dokumenteve planifikuese;
 - 6.3. Identifikimi dhe propozimi i masave procedurale/teknike që duhet ndërmarrë për zbatimin e plotë dhe efektiv të aktiviteteve të dokumenteve planifikuese;
 - 6.4. Evidentimi i sfidave dhe ngecjeve eventuale gjatë procesit të zbatimit të dokumenteve planifikuese dhe propozimi i zgjidhjeve për tejkalimin e tyre;
 - 6.5. Përcaktimi i prioriteteve për zbatimin e aktiviteteve të dokumenteve planifikuese, sipas nevojës;
 - 6.6. Diskutimi i buxhetit të nevojshëm për zbatimin e aktiviteteve të caktuara;
 - 6.7. Harmonizimi i dokumenteve planifikuese në mes vete dhe me dokumentet tjera strategjike e planifikuese të Qeverisë dhe ato të Integritimit Evropian;
 - 6.8. Hartimi dhe përpilimi i materialeve të ndryshme sipas çështjeve dhe temave që KMRAP ka për agjendë diskutimi, në fushat përkatëse; dhe
 - 6.9. Çdo fund vit, hartojnë nga një raport përmbledhës vjetor mbi të arriturat, sfidat dhe rekomandimet që rrjedhin nga procesi i RAP në fushat e tyre përkatëse.
7. Koordinatorët, në takimet e tyre të punës për RAP sigurohen se kanë përfshirë edhe nga një përfaqësues nga Ministria e Administrimit të Pushtetit Lokal.
8. Në pamundësi objektive të pjesëmarrjes në takimet e tyre të punës si dhe në takimet e KMRAP, koordinatorët mund të autorizojnë një drejtor departamenti nga institucioni përkatës që të merr pjesë në këto takime.
9. Sigurohen që DRAP, me një anëtar është përfshirë në takimet e punës për hartimin e dokumenteve planifikuese të RAP.

Neni 4


Struktura përgjegjëse për koordinimin dhe monitorimin e zbatimit të dokumenteve planifikuese-strategjike

1. Struktura përgjegjëse për koordinimin dhe monitorimin e zbatimit të dokumenteve strategjike është Departamenti për Reformën e Administratës Publike (DRAP) pranë Ministrisë së Punëve të Brendshme.
2. Për të koordinuar dhe monitoruar zbatimin e dokumenteve planifikuese për RAP dhe në pajtim me dispozitat e këtij vendimi, DRAP ushtron detyrat dhe përgjegjësitë si vijon:
 - 2.1. Ofron informata cilësore, të sakta dhe të vazhdueshme mbi zbatimin e dokumenteve strategjike për Kryesuesin e KMRAP, Ministrinë e Punëve të Brendshme;
 - 2.2. Përmbledh raportet e marra nga koordinatorët (Sekretarët e Përgjithshëm përkatës) për progresin e arritur në fushat përkatëse të RAP dhe dërgohen në KMRAP;
 - 2.3. Në fund të çdo viti kalendarik, përgatit një raport përmbledhës vjetor dhe vlerëson realizueshmërinë e dokumenteve planifikuese-strategjike dhe në bashkërendim me Sekretarët e Përgjithshëm (koordinatorët) përgjegjës propozon drejtimit e përditësimit të dokumenteve strategjike;
 - 2.4. Mbi bazën e problematikës së nxjerrë nga raportet përmbledhëse, kërkesave të koordinatorëve dhe/apo çështjeve të tjera që përmirësojnë ecurinë e procesit të zbatimit të dokumenteve planifikuese-strategjike, propozon projekt-agjendën e takimeve të KMRAP dhe e përcjell për shqyrtim dhe miratim tek Kryesuesi i KMRAP;
 - 2.5. Formulon konkluzionet dhe vendimet e mbledhjes së KMRAP, të cilat pas miratimit nga Kryesuesi, i përcjell brenda një (1) jave për informacion dhe veprime të mëtutjeshme tek institucionet e përfshira në problematikën e agjendës së takimeve;
 - 2.6. Bënë monitorime të rregullta dhe/apo *ad-hoc* sipas rasteve për verifikimin e rezultateve të paraqitura në raporte, dhe rezultat e monitorimit i paraqet pranë KMRAP;
 - 2.7. Ushtron veprimtari të ndërsjellë informuese, monitoruese, koordinuese dhe ndihmuese pranë të gjitha strukturave përgjegjëse për zbatimin e dokumenteve strategjike; dhe
 - 2.8. DRAP, po ashtu kryen rolin e sekretariatit për KMRAP.

Shfuqizimi dhe hyrja në fuqi

1. Me hyrjen në fuqi të këtij vendimi shfuqizohet vendimi i Qeverisë Nr. 10/07 i datës 22 qershor 2020.
2. Vendimi hyn në fuqi ditën e publikimit në Gazetën Zyrtare të Republikës së Kosovës.

Albin KURTI



Kryeministër i Republikës së Kosovës

Iu dërgohet:

- Zëvendëskryeministrave;
- Të gjitha ministrive (ministrave);
- Sekretarit të Përgjithshëm të ZKM-së;
- Arkivit të Qeverisë



Republika e Kosovës
Republika Kosova - Republic of Kosovo
Qeveria - Vlada - Government

Nr. 05/09

Datë: 26.04.2021

Në mbështetje të nenit 92 paragrafi 4 dhe të nenit 93 paragrafi 4 të Kushtetutës së Republikës së Kosovës, të nenit 4 paragrafi 2. të Ligjit Nr. 04/L-052 për Marrëveshjet Ndërkombëtare, duke u bazuar në nenin 4 të Rregullores Nr.02/2021 për Fushat e Përgjegjësive Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 26 prill 2021, merr këtë:

V E N D I M

1. Miratohet Nisma për lidhjen e Marrëveshjes ndërkombëtare ndërmjet Qeverisë së Republikës së Kosovës dhe Qeverisë së Arabisë Saudite mbi Bashkëpunimin Policor.
2. Autorizohet Ministria e Punëve të Brendshme të ndërmerr të gjitha veprimet e nevojshme për lidhjen e marrëveshjes nga pika 1. e këtij Vendimi.
3. Vendimi hyn në fuqi ditën e publikimit në Gazetën Zyrtare të Republikës së Kosovës.

Albin KURTI

Kryeministër i Republikës së Kosovës

Iu dërgohet:

- Zëvendëskryeministrave
- Të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë



Republika e Kosovës
Republika Kosova - Republic of Kosovo
Qeveria - Vlada - Government

Nr. 06/09
Datë: 26.04.2021

Në mbështetje të nenit 92 paragrafi 4 dhe të nenit 93 paragrafi 4 të Kushtetutës së Republikës së Kosovës, të nenit 78 të Ligjit Nr. 04/L-109 për Komunikimet Elektronike, duke u bazuar në nenin 4 të Rregullores Nr.02/2021 për Fushat e Përgjegjësive Administrative të Zyrës së Kryeministrit dhe Ministrive, në pajtim me nenin 19 të Rregullores së Punës së Qeverisë së Republikës së Kosovës Nr. 09/2011, Qeveria e Republikës së Kosovës, në mbledhjen e mbajtur më 26 prill 2021, merr këtë:

V E N D I M

1. Qeveria e Republikës së Kosovës për kryetar dhe anëtarë të Bordit të Autoritetit Rregullativ për Komunikimet Elektronike dhe Postare i propozon Kuvendit të Republikës së Kosovës këta kandidatë:
 - 1.1. Nazim Rahimi - Kryetar;
 - 1.2. Lule Ahmedri - anëtare;
 - 1.3. Shkumbin Hamiti - anëtar;
 - 1.4. Rrezarta Duraku Rizaj - anëtare;
 - 1.5. Arijan Qorolli - anëtar.
2. Obligohet Sekretari i Përgjithshëm i Zyrës së Kryeministrit që emrat dhe biografitë e të propozuarve nga pika 1. e këtij vendimi t'ia procedojë për shqyrtim dhe miratim Kuvendit të Republikës së Kosovës.
3. Vendimi hyn në fuqi ditën e publikimit në Gazetën Zyrtare të Republikës së Kosovës.

Albin KURTI

Kryeministër i Republikës së Kosovës

Iu dërgohet:

- Zëvendëskryeministrave
- Të gjitha ministrive (ministrave)
- Sekretarit të Përgjithshëm të ZKM-ës
- Arkivit të Qeverisë